

Headline	Malaysia jadi tuan rumah, anjur ACWW ke-30		
MediaTitle	Kosmo		
Date	04 Oct 2022	Color	Full Color
Section	Negara	Circulation	155,996
Page No	4	Readership	467,988
Language	Malay	ArticleSize	219 cm ²
Journalist	N/A	AdValue	RM 5,705
Frequency	Daily	PR Value	RM 17,116



Malaysia jadi tuan rumah, anjur ACWW ke-30

KUALA LUMPUR – Malaysia akan menjadi tuan rumah bagi Persidangan Persatuan Wanita Desa Sedunia (ACWW) ke-30.

Persidangan yang akan dianjurkan oleh Pertubuhan Perkumpulan Perempuan Negeri Pahang (WI Pahang) itu bakal berlangsung pada 17 hingga 25 Mei 2023 di Hotel Marriot, Putrajaya.

Raja Permaisuri Agong, Tunku Hajah Azizah Aminah Maimunah Iskandariah bertitah, persidangan ACWW itu akan mengangkat isu-isu dihadapi ketika ini khususnya mengenai wanita.

"Persidangan sepatutnya ber-

langsung di Pahang tetapi disebabkan saya di sini, ia dibawa ke Kuala Lumpur dan akan diadakan di Marriot Hotel," titah Seri Paduka pada sidang akhbar di Istana Negara semalam.

ACWW merupakan pertubuhan antarabangsa yang ditubuhkan pada 1929 dan berpangkalan di London, United Kindom, ia merupakan usaha untuk memartabatkan dan meningkat kelestarian kehidupan wanita desa.

Persidangan dunia tersebut dijangkakan akan dihadiri oleh 500 ahli-ahli ACWW dari seluruh dunia.

Seri Paduka Baginda juga memaklumkan bahawa WI Pahang merancang untuk mengajurkan lawatan sehari ke Kompleks Jabatan Kemajuan Orang Asli Malaysia, Institut Penyelidikan Perhutanan Malaysia, Institut Kraf Negara dan Universiti Multimedia (MMU) Cyberjaya.

Dikhabarkan juga, Anakanda Tunku Azizah iaitu Pemangku Raja Pahang, Tengku Hassanul Ibrahim Alam Shah Al-Sultan Abdullah Ri'ayatuddin Al-Mustafa Bilal Shah akan menyampaikan ucapan ketika persidangan ACWW berlangsung.



RAJA PERMAISURI AGONG berkenan berucap ketika sidang akhbar Persatuan Wanita Desa Sedunia (ACWW) di Rumah Kelab Istana Negara, Kuala Lumpur semalam.